

**Toshkent arxitektura-qurilish universitetida
korrupsiyaviy xavf-xatarlarni baholash
USLUBIYOTI**

1- bob. Umumiy qoidalar

1. Mazkur Uslubiyot Toshkent arxitektura-qurilish universiteti (keyingi o'rinlarda - Universitet) faoliyatida korrupsiyaviy xavf-xatarlarni aniqlash va baholash tartibini belgilaydi.

Universitet faoliyatidagi korrupsiyaviy xavf-xatarlarni aniqlash va baholashning maqsadlari quyidagilardan iborat:

Universitetning korrupsiyaviy xavf-xatarga eng ko'p duch keladigan vazifa va funksiyalarini aniqlash hamda korrupsiyaviy xavf-xatar yuqori bo'lgan lavozimlar ro'yxatini shakllantirish;

Korrupsiyaviy xavf-xatarlarni bartaraf etish bo'yicha chora-tadbirlarni ishlab chiqish.

2. Korrupsiyaviy xavf-xatarlarni aniqlash va baholash quyidagilar ishlab chiqilishini nazarda tutadi:

korrupsiyaviy xavf-xatarlar xaritasi;

korrupsiyaga qarshi kurashish bo'yicha dastur;

korrupsiyaviy xavf-xatar yuqori bo'lgan lavozimlar ro'yxati;

korrupsiyaga moyil bo'lgan munosabatlar elektron reestri.

3. Ushbu Uslubiyotda quyidagi asosiy tushunchalar qo'llaniladi: korrupsiyaviy xavf-xatar - shaxsning o'z mansab yoki xizmat mavqeyidan shaxsiy manfaatlarini yohud o'zga shaxslarning manfaatlarini ko'zlab moddiy yoki nomoddiy naf olish maqsadida qonunga xilof ravishda mavjud sabab va sharoitlarda korrupsiyaviy hatti-harakatlarni sodir etishi ehtimoli;

korrupsiyaviy xavf-xatarlar xaritasi - Universitet faoliyatida amalga oshiriladigan vazifa va funksiyalar (jarayonlar) bilan bog'liq yuzaga kelishi mumkin bo'lgan korrupsiyaviy xavf-xataming tavsifi va darajasi, funksiyalarni (jarayonlarni) tartibga soluvchi mexanizmlar, funksiyalarni (jarayonlarni) amalga oshirishga mas'ul bo'lgan lavozim, korrupsiyaviy xavf-xatarlarni bartaraf etish choralari, qoldiq korrupsiyaviy xavf-xatar darajasi, korrupsiyaviy xavf-xatarni bartaraf etish choralarni amalga oshirishga mas'ul ijrochilarni o'z ichiga olgan hujjat;

korrupsiyaga oid huquqbuzarlik - korrupsiya alomatlariga ega bo'lgan, sodir etilganligi uchun qonunchilikda javobgarlik nazarda tutilgan qilmish;

korrupsiyaviy xavf-xatarlarni baholash - Universitetning faoliyatini (vazifa va funksiyalarini) tahlil qilish, mavjud korrupsiyaviy xavf-xatarlarni aniqlash va ushbu xavf-xatarlar darajasini baliolash bo'yicha faoliyat;

qoldiq xavf-xatar - shaxsning o'z mansab yoki xizmat mavqeyidan shaxsiy manfaatlarini yohud o'zga shaxslarning manfaatlarini ko'zlab moddiy yoki nomoddiy

naf olish maqsadida qonunga xilof ravishda mavjud sabab va sharoitlarda korrupsiyaviy hatti-harakatlarni sodir etishi ehtimoli;

korrupsiyaga qarshi ichki nazorat tuzilmasi – Universitet Korrupsiyaga qarshi kurashish “Komplaens-nazorat” tizimini boshqarish bo’limi;

ishchi guruh - korrupsiyaga qarshi ichki nazorat tuzilmasi mavjud bolmagan tashkilotlarda korrupsiyaviy xavf-xatarlarni baxolash uchun tuziladigan xodimlar tarkibi.

4. Universitet tomonidan korrupsiyaviy xavf-xatarlarni baliolash har yili **1-martga qadar** amalga oshiriladi.

5. Toshkent arxitektura qurilish universiteti Korrupsiyaga qarshi kurashish ichki nazorat bo’limi tomonidan korrupsiyaviy xavf-xatarlarni baholash va bartaraf etish borasidagi faoliyatini takomillashtirish, ushbu yo’nalishda kamchiliklarning oldini olish bo’yicha ko’rsatmalar berilishi mumkin.

2-bob. Korrupsiyaviy xavf-xatarlarni aniqlash va baholashni tashkil etish

6. Korrupsiyaviy xavf-xatarlarni aniqlash va baholash universitetning barcha tarkibiy tuzilmalarini qamrab olishi lozim.

Bunda, korrupsiyaviy xavf-xatarlarni aniqlash va baholash Korrupsiyaga qarshi ichki nazorat tuzilmasi yoki ishchi guruh tomonidan amalga oshiriladi.

7. Ishchi guruh a’zolari universitetning fakultet va tarkibiy tuzilmalari rahbarlaridan iborat tarkibda tashkil etiladi.

Rektor tomonidan ishchi guruh tarkibi tasdiqlanadi hamda uning faoliyati muvofiqlashtiriladi.

8. Korrupsiyaviy xavf-xatarlarni aniqlash va baholashda universitetning Korrupsiyaga qarshi kurashish “Komplaens-nazorat” tizimini boshqarish bo’limi tomonidan quyidagi vazifalar amalga oshiriladi:

- korrupsiyaviy xavf-xatarlarni aniqlash va baholash bo’yicha ishlarni tashkil etish va muvofiqlashtirish;

- korrupsiyaviy xavf-xatarlar xaritasini ishlab chiqish;

- korrupsiyaga qarshi kurashish bo’yich dastur loyihasini ishlab chiqish;

- ishlab chiqilgan korrupsiyaviy xavf-xatarlar xaritasi va korrupsiyaga qarshi kurashish bo’yicha dastur loyihalarini ko’rib chiqish va ularni takomillashtirish yuzasidan taklif berish;

O’zbekiston Respublikasi Oliy ta’lim, fan va innovatsiyalar vazirligining Korrupsiyaga qarshi kurashish bo’limi tomonidan berilgan takliflar asosida Universitetning korrupsiyaviy xavf- xatarlar xaritasini va korrupsiyaga qarshi kurashish bo’yicha dastur loyihasini takomillashtirish.

9. Korrupsiyaga qarshi ichki nazorat tuzilmasi quyidagi vazifalarni amalga oshiradi:

- korrupsiyaviy xavf-xatarlarni aniqlash va baholash ishlarini tashkil etish;

- korrupsiyaviy xavf-xatarlar xaritasini va korrupsiyaga qarshi kurashish bo’yicha dastur loyihalarini ishlab chiqish.

3-bob. Korrupsiyaviy xavf-xatarlarni aniqlash va baholash tartibi

10. Korrupsiyaga qarshi kurashish “Komplaens-nazorat” tizimni boshqarish tuzilmasi tomonidan universitet faoliyatining (vazifa va funksiyalarining) tavsifi ushbu Uslubiyotning 1-ilovasiga muvofiq shaklda tuziladi.

11. Universitet faoliyatidagi (vazifa va funksiyalardagi) korrupsiyaviy xavf-xatarlar ichki va tashqi axborot manbalari asosida aniqlanadi.

12. Ichki axborot manbalari quyidagilardan iborat:

- universitet faoliyatining (vazifa va funksiyalarining) huquqiy asosi;
- ichki tekshiruv materiallari, shu jumladan xizmat tekshiruv materiallari;
- odo-ahloq komissiyasi majlislarining yigirilishi bayonnomalari;
- Korrupsiyaga qarshi kurashish ishlarining monitoring natijalari;

Komplaens nazorat tuzilmasi tomonidan universitet faoliyati (vazifa va funksiyalari) yuzasidan o'tkazilgan so'rovnomalar, shu jumladan sotsiologik tadqiqotlar natijalari va boshqalar.

13. Tashqi axborot manbalari quyidagilardan iborat:

Universitet faoliyati to'g'risidagi huquqbuzarliklar bo'yicha murojaatlar (xabarlar) va statistic ma'lumotlar;

O'zbekiston Respublikasi Oliy ta'lim, fan va innovatsiyalar vazirligi yoki boshqa davlat tashkilotlari tomonidan Universitet faoliyati (vazifa va funksiyalari) yuzasidan o'tkazilgan so'rovnomalar, shu jumladan sotsiologik tadqiqotlar natijalari;

huquqni muhofaza qiluvchi organlar tomonidan taqdim etilgan materiallar va boshqalar.

14. Korrupsiyaga qarshi ichki nazorat tuzilmasi universitet faoliyatidagi (vazifa va funksiyalaridagi) korrupsiyaviy xavf-xatarlarni aniqlashda quyidagi holatlar tahlil qilinishi lozim:

Universitet xodimi tomonidan sodir etilgan korrupsiyaga oid huquqbuzarlik;

Universitet tomonidan faoliyatni (vazifa va funksiyalarni) amalga oshirishda jismoniy va yuridik shaxslar uchun sun'iy to'siqlarning mavjudligi;

o'z vaqtida qaror qabul qilmaslik, asossiz tezkor tartibda qaror qabul qilish;

hujjatlar, elektron ma'lumotlar bazalariga bila turib yolg'on ma'lumotlarning kiritilishi;

xizmat vakolatlarini amalga oshirishda manfaatlar to'qnashuvi;

vakolatlarni amalga oshirishda mahalliychilik, homiylik, urug'-aymoqchilik kabi holatlarning mavjudligi.

15. Universitet faoliyatidagi (vazifa va funksiyalaridagi) korrupsiyaviy xavf-xatarlarning darajasi quyidagi o'lchovlarda baholanadi:

past;

o'rta;

yuqori.

16. Komplaens nazorat tuzilmasi tomonidan korrupsiyaviy xavf-xatar darajasiga baho berish mazkur Uslubiyotning 2-ilovasidagi mezonlar asosida amalga oshiriladi.

4-bob. Korrupsiyaviy xavf-xatarlarning darajasini bartaraf etish choralari

17. Korrupsiyaviy xavf-xatarlarni bartaraf etish choralari quyidagi shakllarda amalga oshirilishi mumkin:

normativ-huquqiy hujjatlar hamda ichki idoraviy hujjatlar loyihalarini ishlab chiqish;

inson omilini qisqartirish va Universitet faoliyatini (vazifa va funksiyalarini) raqamlashtirish, shaffoflikni ta'minlash jamoatchilik nazoratini yo'lga qo'ish;

Universitet faoliyatini (vazifa va funksiyalarini) tartibga solish choralari ko'rish;

Universitet xodimlari va jismoniy shaxslar o'rtasida to'g'ridan-to'g'ri aloqani maksimal darajada cheklash;

rasmiy veb-sayt va boshqa ommaviy axborot vositalarida davlat tashkiloti tomonidan amalga oshirilayotgan davlat xaridlari to'g'risida ma'lumotlarni joylashtirish va tarqatish;

davlat xizmatlarini ko'rsatish jarayonini soddalashtirish, asossiz cheklovlarni, ortiqcha ma'muriy tartib-taomillarni bekor qilish, byurokratik tartibga solish mexanizmlarini yo'q qilish, taqdim etilgan hujjatlar soni va qaror qabul qilish muddatlarini qisqartirish;

Universitet tomonidan korrupsiyaga qarshi kurashishga qaratilgan tushuntirish ishlarini amalga oshirish, profilaktik suhbatlar o'tkazish, ishonch telefonlari va aloqa kanallarida targ'ibot ishlarini amalga oshirish;

xodimlarning korrupsiyaga qarshi kurashish va manfaatlar to'qnashuvini boshqarish bo'yicha ichki hujjatlarga har kuni, o'zaro va to'liq rioya qilishlarini nazorat qilish.

Universitet korrupsiyaviy xavf-xatarlarni bartaraf etish bo'yicha qonunchilik hujjatlariga zid bo'lmagan boshqa chora-tadbirlarni ham amalga oshirish mumkin.

18. Korrupsiyaviy xavf-xatarlarni bartaraf etish bo'yicha mazkur Uslubiyotning 16-bandida belgilangan choralardan kelib chiqib, qoldiq xavf-xatar darajasini baholash mazkur Uslubiyotning 2-ilovasidagi mezonlar asosida amalga oshiriladi.

19. Universitetning Korrupsiyaga qarshi ichki nazorat tuzilmasi tomonidan mazkur Uslubiyotning 3-ilovasiga muvofiq Universitet korrupsiyaviy xavf-xatarlar xaritasi loyihasi ishlab chiqiladi.

5-bob. Yakuniy qoidalar

26. Mazkur Uslubiyot talablari buzilishida aybdor bo'lgan shaxslar qonunchilik hujjatlarida belgilangan tartibda javobgar bo'ladi.

Korrupsiyaviy xavf-xatar darajasiga baho berish bo'yicha Mezonlar

Korrupsiyaviy xavf-xatar darajasi	Mezonlar
Yuqori*	Tashkilotning faoliyati (vazifa va funksiyasi) avtomatlashtirilmagan
	Tashkilotning faoliyati (vazifa va funksiyasi) tartibga solinmagan
	Nazoratsiz tartibda ish joyida jismoniy va yuridik shaxslar bilan to'g'ridan-to'g'ri aloqa qilish
	Tashkilotning faoliyati (vazifa va funksiya) doirasida qarorni loyihagini tayyorlashda, ko'rib chiqishda va qabul qilishda bir shaxs ishtirok etishi
	Tashkilotning faoliyati ni (vazifa va funksiyani) bajarishda korrupsiyaviy xatti-harakat sodir etilgan (jinoyat sodir etilganligi sud tasdiqlangan)
O'rta*	Tashkilotning faoliyati (vazifa va funksiyasi) qisman avtomatlashtirilmagan
	Tashkilotning faoliyati (vazifa va funksiyasi) qisman tartibga solinmagan
	Nazoratsiz tartibda ish joyida jismoniy va yuridik shaxslar bilan to'g'ridan-to'g'ri aloqa qilish
	Tashkilotning faoliyati (vazifa va funksiya) doirasida qarorni loyihagini tayyorlashda, ko'rib chiqishda va qabul qilishda ikkita shaxs ishtirok etishi
	Tashkilotning faoliyati ni (vazifa va funksiyani) bajarishda korrupsiyaviy xatti-harakat sodir etilgan (jinoyat sodir etilganligi sud tasdiqlanmagan)
Past*	Tashkilotning faoliyati (vazifa va funksiyasi) to'liq avtomatlashtirilgan
	Tashkilotning faoliyati (vazifa va funksiyasi) to'liq tartibga solingan
	Nazoratsiz tartibda ish joyida jismoniy va yuridik shaxslar bilan to'g'ridan-to'g'ri aloqa qilish
	Tashkilotning faoliyati (vazifa va funksiya) doirasida qarorni loyihagini tayyorlashda, ko'rib chiqishda va qabul qilishda uch va undan ortiq shaxs ishtirok etishi
	Korrupsiyaviy xatti-harakat sodir etilganligi to'g'risidagi ma'lumot mavjud emas

TASDIQLAYMAN
Tashkilot rahbari

F.I.O

«__»_____202__-yil.

_____ni faoliyatidagi korrupsiyaviy xavf-xatarlarning
XARITASI

T/r	Korrupsiyaviy xavf-xatarning tavsifi	Korrupsiyaviy xavf-xataming darajasi (past, o'rta, yuqori)	Funksiyaiami (jarayonlarni) amalga oshirishga mas'ul bo'lgan lavozim	Funksiyaiami (jarayonlarni) tartibga soluvchi mexanizm	Korrupsiyaviy xavf-xatarlarni bartaraf etish choralari	Qoldiq korrupsiyaviy xavf-xatar darajasi (past, o'rta, yuqori)	Mas'ul ijrochilar
1.Tashkilot yoki tarkibiy bo'linmaning nomi*							
	Davlat tashkiloti funksiyasi nomi						
	Funksiyaga oid munosabat						
	Jarayon nomi						
	Jarayon nomi						
2.Tashkilot yoki tarkibiy bo'linaning nomi*							
	Davlat tashkiloti funksiyasi nomi						
	Funksiyaga oid munosabat						
	Jarayon nomi						
	Jarayon nomi						

_____ning korrupsiyaga qarshi kurashish

DASTURI

T/r	Korrupsiyaviy xavf-xatarlarni bartaraf etish chora-tadbirlari	Amalga oshirish mexanizmi	Ijro muddati	Ijro uchun mas'ullar

